

- daz blüt uber uelt ran.  
 fi zeflugen rof unt man.  
 di toten hin runnen.  
 wie iamerliche fi fwummen.
- 5 uil manige ertrancte fich felbe.  
 criften di helede.  
 uafte durch drungen.  
 fluchte fi fie dwungen.  
 fi flugen in uf den rucken
- 10 di fchilde al zeflucken.  
 fwaz gebainel dar unter waf.  
 fur war waiz ich daz.  
 di mufen alle in den frán.  
 fallaron unt fine man.
- 15 fluzen after furhe.  
 oliuir drauete dar übere.  
 unt fine fcargenoze.  
 daz in dem walfloze.  
 belagen fi tot alle famt.
- 20 daz da niemen lebentigent (fo) uant. LX.  
 wan funter ainen.  
 der gefilte uf ainem ftaine.  
 Oliuir in erfach.  
 uil übelichen er zu im sprach.
- 25 wanne fageftu mir iunc man.  
 war haftu fallaron getan.  
 ia tateftu ungetruwelichen.  
 wolteftu im gefwichen.  
 fo fchideftu ubele hinnen.
- 30 du fcholt nach im fwimmen.  
 fuche dinen herren.  
 di scar foltu im gemeren.  
 den fpiz er uf hüp.  
 über daz houbit er in flúc.